

docst
文川网
古籍书城
入駐商家
在文川网搜到古籍书城 获取更多电子书

中國方志叢書·華南地方·第四一四號

據
清·文彬、孫雲等纂修
清同治十二年刊本

影印

江蘇省

重修山陽縣志

(全)

成文出版社有限公司印行



中華民國七十二年三月第一版

重修山陽縣志 全一冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市杭州南路一段6巷9號3F
電話：三九一六四一六（五線）

印刷者：上林彩色印刷有限公司
台北市大理街145號

新聞局出版登記證：局版台業字第二四三號

皇山重
出陽修

docsriver 文川网
入驻商家 古籍书城

在文川网搜索古籍书城 获取更多电子书

同治十有二
年癸酉刊成

山陽地居淮東海濱為近
春秋吳城邗溝通江淮
而道始通自有明因河
流入淮以為運道歲漕
東南秬稻四百萬石輸
於京師遂為總匯之區

山陽縣志

序

故漕臣駐節其地以完
領天下之轉輸而東南
土物之作貢者整置之
木滇之銅豫章之窰吳
越之織貝閩粵之楠柚
皆經行其地以直達

於天津山陽與天津南
北兩大鎮屹然相對五
百年來莫之有改矣迨
咸豐乙卯之歲河決銅
瓦廂淮亦南漲而運道
始梗粵竅入江皖於大

山陽縣志

序

起始以漕臣兼理河道
坐鎮江北頗多地方之
責而轉輸之事亦與
若曠垂二十年今
皇帝御極之九年北棟
奉

命駐節此邦時該盜既
平運道未遑修治而地
方百務籌復舊規這
省志興修徵書即而
余於是商之邑人丁仲
山觀察觀察之尊人位
知先生老年宿學爰
延之綜理而屬郡邑績
學之士以任編纂事
既興會余移撫粵東
行年餘山陽志成緘
寄來粵之余叙之余

山陽縣志

序

三

慨然歎伶卿先生之耆
儒卓識而法君編纂之
勤為不可及也始余之
欲修志書也以淮安府
志疏於
朝而府志之修必先取志
山陽舊志修於乾隆初
年余繙閱一過求其端
委而不可得疑為當
年未經審定之作今
因舊書而變其體例爬
剔抉蕙付補輯

山陽縣志

序

四

疆域之沿革人事之興
遷百二十年廢墜蹟如
指掌非夫博物君子古
古知今而能貫通如此
乎夫地志之紀山川風
土民賦物產是其大端

山陽縣志

序

五

山陽為南糧之所匯又
政事之大者其他關
津倉儲則亦與民生相
維繫為政者讀其書
而有以去其利害之所
在於以奏刀焉然洞中

肯綮則是書之所係不
亦重哉而或謂志書無
足輕重故鈔獄者禁引
府志志書以為繁蕪
汎濫紀載失實者寧
之耳事確情切有條

山陽縣志

序

六

有理則將以備
國史之採豈徒資考
鏡徵得失與復舊規
而已哉吾願法君繼
此而修府志以副史者
齋邀入告之苦心而有

裨於後來之觀政是
邦者爰書以亨仲山
即以是為叙

誥授先祿大夫

賜進士出身廣東巡

撫前漕運總督張兆棟

拜讓

山陽縣志

序

七

輿地之紀所以志疆域紀民數

覘物產也而富教之政即於是

興焉故周禮大司徒之職掌達

邦之土地之圖與其人民之數

以佐王安擾邦國而率其屬以

掌邦教漢蕭何入秦珍寶無所

取而但收圖籍良以圖籍之存

山陽縣志

卷一序

一

所憑以為政者也顧古與記之

書唐李吉甫元和郡縣志而外

傳者絕少而後來志書之精核

者彜推朝邑武功然不必相沿

襲也不併詳略要貴各因其地

之宜縷析條分使閱者得以悉

其竅要之所存如良醫之洞見

垣一方人得以施手斯善矣余
布政山左其通志之修於
國朝者於陸鉉張鳳儀二志加
以考證特為典確其他郡縣志
之是取者則寡之焉欲求張爾
岐濟陽縣志而不可得也壬申
奉

恩命督漕下車之日適興修山
陽縣志爰力贊之越一年而成
披讀再四宏綱細目經緯秩然
庶幾無繁無漏尚有典型者乎
夫山陽地居淮東粵寇固未嘗
至皖寇入境者三四亦未大擾
也然而民鮮蓋藏富者益貧

強者益弱說者以為水利之不
修而農功之勤惰亦今昔迴殊
焉至於團練暫興弦誦以輟學
業亦少荒矣今既道路清夷豐
年屢告農何以力於野士何以
力於家苟求其故以為務本之
謀則風俗之教靡自有不期而

近於古者而學業宏達人文蔚
起異日之振興不可主而待乎且
夫勤疏濬利挽輸絕閘津之擾
害防盜賊之侵虞有司責也習
履鋤講詩禮絕游手之娛嬉屏
子衿之浮競則士民責也作者
殷勤簡冊至深且厚使者爰述

74-57

其意以為吾民告以期無負此
富教之私願焉

同治十二年癸酉六月朔日
督漕使者文彬拜撰

山陽縣志

卷一序

四

原序一

康熙二十四年 詔修一統志部檄各府州縣惟山陽志
獨缺二十六年烈歸里本縣李公特開局敦請堅辭不獲
是年草成十之二三繼因人事雜沓書籍稀少二十七年
移局杭州湖上就邵宮詹戒三毛太史大可借書得以編
攷羣籍及十五省通志時李公以事被論去接任者山西
崔公靖又奉催檄寄札至烈屬即於湖上閱雕意在速成
也未幾崔又呈誤去而烈於二十八年奉部檄催補蹉跎
至今又十數年志甫成而山陽令七易其人遂寅刻事於
不問是可歎也按宋嘉定時有山陽專志經兵燹散失後
遂未有續者則今日之志乃創也非述也史載淮陰山陽
本為二縣淮陰非即淮陽而淮安一郡跨有淮南淮北山
陽實屬淮南向來殊未深攷凡志以輿地沿革疆域分界
為要故篇中特詳言之夫志非憑虛立論必據實據確始
足傳信山陽當宋南渡後為李全竊據者二十年無一民
非兵無一家非賊徹屋材雜文史典籍以為炊又經元末
積不華死守淮安不屈掘鼠羅雀以食城破焚蕩無遺是
以郡志所載皆明以後之實錄無元以前之典故其載諸
史冊及散見他書者僅百分之一耳夫郡志志一郡縣志
志一縣此定體也獨山陽地界南北自東晉以後遂為屯

山陽縣志

卷一

原序一

一

兵重鎮安帝義熙七年立山陽郡山陽縣自是凡節使王侯將相牧伯及後世督撫提鎮文武各員駐劄山陽者官爵姓名政事合當書此與他縣志不同者一也河漕國之重務治河與治漕相為表裏欲攷河漕之原委得失山陽實當其衝墨一漏百猶勝於買買無稽此與他縣志不同者二也天下權關獨山陽之關凡三今竝三為一而稅如故其中輕重增損莫可究詰若鹽弊尤為蠶叢產鹽地在海州掣鹽場在山陽淮北商人環居萃處天下鹽利淮為大不有所志將於何稽此與他縣志不同者三也夫河漕關鹽非一縣事而事皆出於一縣官如傳舍而吏去其籍

山陽縣志

卷一

原序一

二

則其他可知矣烈苦心探索幾二十年文跡十萬較之他縣修志有近本可稽者不同故難且遲也書成亦有好義者欲代孫父母募捐付梓而烈年已垂暮苦於繕寫無力倘後之君子踵成盛事恐未悉纂輯願未輒復牽連書之弁於篇首康熙四十七年歲次戊子十二月望日邑人張鴻烈識

原序二

山陽知縣 金秉祚

國有史故郡邑有志然志之重殆不與史等何也禹貢則壤定賦周禮任地制田大司徒以天下土地之圖周知九州之地域廣輸之數辨其山林川澤邱陵墳衍原隰之名物此田賦溝洫輿地疆域山川物產所由志春秋褒貶二百四十二年之事美惡必書災異互見而左氏公穀各傳其事官制禮樂志士仁人忠臣貞婦無所不書此人物忠孝災祥沿革所由志司馬遷班固作史記漢書乃有本紀列傳世家天官河渠等書禮樂刑法等志此文分野河防變遷名臣傳記所由志一志之中諸體具備上下千百年之人物事蹟有國史所不悉載可按志而稽者甚未可忽而不講山陽淮安首邑為淮河以南第一衝要乃舊志幾有無不可攻即所云燬於宋元兵燹亦屬傳疑邑人張檢討毅文手輯若干卷未付梓旋就散佚以迄於今無起而修之者夫以志之所係於邑者如此其重而坐視荒廢如此其久若復轉相因循世愈久而蹟愈湮將令後之視今亦猶今之視昔是誰之過歟余蒞任擬首董厥役因水蝗荐臻議振議恤未遑也越丙寅秋年穀順成庶政漸理爰設局借邑人士取檢討之書而商榷之值析實阜監之後田賦戶口疆域山川凡張志所僅存者已未可援為依

山陽縣志

卷一

原序二

一

據又况殘缺既多補遺增詳之則蕪簡亦傷略舉其大則見以為不勤小物而細故毛舉則謂之不知類余用是兢兢也然竊幸從張君之後采其遺編參互考訂又得藉手邑人士本之禹貢周禮以志一邑之形勝昉之左氏公穀史記以志一邑之制度典章而惟是是非臧否有關於世道人心者必核其實而存其真諸所紀載博訪旁搜俾數百年已陳之迹炳如日星與歷代史書相表裏雖未必盡無遺憾要不敢輕為傳會蹈浮偽失實之譏是則區區之意所求諒於前人而願與邑人士共信者也稱既成余膺存擢去今年山陽紳士以書至云將謀諸制刷屬一言

山陽縣志

卷一

原序二

二

以為序余不敏竊念志之所係於邑者甚重而山邑之得成是書也較難其敢以是自為功乎抑亦莫為之前無與為開姑畱此以俟後人之論定乎若夫覽志而興因時因地重隄防治田里隆學校正風俗俾吏治蒸蒸日上邑人士臚刊循績登簡冊後先相承以流傳於無窮是又不獨志之所係於邑者重且重視乎宰斯邑者之得其人也余有志焉而未逮也後之君子當何如乾隆十四年孟夏徐州府知府前知山陽縣事金秉祚撰

凡例

一邑舊有朱嘉定志顧炎武郡國利病書多采其說蓋當時猶有傳本久而佚去元明以來修葺無聞 國朝康熙中修一統志檄取府州縣志有司乃延邑人張鴻烈屬草其書前無所承蒐輯校訂幾二十年始得脫稿一方掌故得以復續未及錢版復漸滅佚乾隆中當事者復屬邑人取鴻烈遺編重加修纂益以康熙四十年後改革事故竝補綴人物叢志二目為書凡二十二卷即今見行之舊志也其書采獲稍廣亦不盡本鴻烈之舊今距其時又閱百二十年事故改革視昔有加此次編

山陽縣志

卷一

凡例

一

輯雖据原志而訂正省并條例頗殊非苟為立異期於舉其體要推求事實勿濫勿誣可考一方之掌故而止補正缺誤尚有俟於方來

一原志前列沿革等三表次為三十二志又次為十六列傳而以 上諭 御製詩文冠之編首云擬本紀將以規撫全史夫詳沿革之殊異始可見疆域之離合覽物產之登耗即可覘風土之盛衰事雖多端義原一貫本無煩於分析至於 天文聖製久已登諸 冊府非下邑志乘所得編次從古史家亦無僅錄詔令詩文即稱本紀者謹按 欽定四庫全書總目論地志云傳記輿

圖各有本例以志爲名而用史體文雖翔義則乖矣今遵往式合疆域沿革爲一篇列之卷首次以建寅水利漕運職官民賦學校選舉軍政人物列女藝文古蹟雜記總爲十四類而以子目四十餘種械附其中刪去表傳標目以一體例

一田賦戶役之制定於明代名目猥多詳識於篇以著後世歸并折納所由昉而折衷於今制里圖更定於明天啟中循之至今謹志京田時田所由起及其分數與上供存畱款目庶官斯土者得按籍而稽焉

一屯衛職掌有土有人當勝國時與州縣並重暨五府裁

山陽縣志

卷一

凡例

二

革征戍靡間尺籍罕稽屯政多廢附諸田賦類中以存厓略

一城內外水道皆以運河爲來源沿河開洞實司其灌輸錯出之支渠又濫觴於洞下各河雖雜逕糾紛而皆有原委可尋原志以開洞河渠械入城池水利山川三目致支絡隔絕自非土著究心水利首覽之莫得而明也今除城濠附載城外餘皆棄入水利其造修改建補鑿分劃與昔殊異者據案牘編入而以各鄉隄防附其後至於尋常溝澮廢寘無恆非關一邑之大者案牘不備亦非例所得詳也

一他志例有山川一目原志列之疆域今按縣境止鉢池一阜無可標異其黃運二河及各湖蕩俱詳水利無庸分列并鉢池於古蹟聊以裒點景物而已至於河湖修防有專司有分地非邑境所能該其疏濬大略已具水利敘首河防一目亦不別出

一職官駐劄本境者依時代編入其功德治績卽械注本人條下觀其設施與當時之輿論足以得其人賢否無庸別出名宦一目至殘碑雜說所載有姓名而不審爲何官有職司而不得其姓名此類甚多無開體要概不援引以侈博聞

山陽縣志

卷一

凡例

三

一原志漕運鹽法權稅標爲三卷今按鹽政筦之運司場竈轄在他境商稅屬諸權使各有專志例不當詳惟邑爲總漕駐節之所各省糧艘此其總粹往當春夏時漕舟銜尾而至百貨山集土人競以錢物同易無甚貴甚賤之患今運道艱澀連編大舸廢而不用資用匱乏民生多艱其通塞更變非徒關於國計亦准人利病之所系也改易之端詳加搜載其鹽法商稅古與漕運同歸食貨志用特刪其繁瑣同爲一編以備考

一軍政止詳營制建立分合及伍籍多寡汛地遠近以著責守至歷代之戰爭盜賊之竊發無關營制而與災變

同科分年彙入雜記以資考鏡此不關入

一古人地志止載疆域山川風土物產其無關政事民生者概不牽附自樂史寰宇記始著人物然必貫址分明言行可紀者始登載籍來者勿察率扳附他族以侈觀美多列品目以標旨趣紛紜錯雜覽者膏焉夫藻飾族姓譜牒所譏表列九等良史詒誥況乎圖志益無取焉今人物一門惟以時代相次譌者正之缺者補之原列名目概從刊削

一史有忠義傳或致命疆場或糜軀城障其人大氏策名於朝事迹明白載諸簡策以屬事君至於軍民婦女橫

山陽縣志

卷一 凡例

四

罹鋒刃者例所不詳非惟其人難以悉數亦其心迹未易明也軍興以來人民遭蹂躪艱路草野者甚眾朝廷憫之許彙其人以告 敕所在建祠祀之冀以慰強死者於地下 恩澤致優厚矣祠既以昭忠為名即因其名而書所彙之人為忠義一目附之人物之後婦女被難者附諸列女之後覽者亦憫其遭逢可矣

一舊志藝文於本籍外籍人詩文概為收載殊失裁制今用班書藝文志例止載邑人書目惟班史作志雖本劉歆七略其時故籍具存故不獨詳其篇目且能別其真偽其中亡佚不過一二篇至隋經籍志則兼載亡書存

古籍且倘搜訪也今兼用其例存亡竝列舊志所收篇什有可附者附之各條夾注餘悉芟除以省冗濫

一原志以古蹟祠寺邱墓并入雜記殊為不類今別立古蹟正目以古井邱墓附之祠寺則附入壇廟之下俾各以類相從故迹名勝一以今境為斷無所牽合至昔人譏志地理者景必有八八景例有詩詩必七律或為惡習今悉芟夷以祛塵雜

山陽縣志

卷一 凡例

五

山陽縣志目錄

卷一

疆域沿革 四至 分星 高度 風俗 物產

卷二

建置 城池 圍砦 附 公署 倉庫 壇廟 寺觀
附 驛遞 街市 坊鎮 橋渡 塘堰 普濟育嬰各善堂 藥局 坊表

卷三

水利 閘洞 各鄉水道 隄園附

卷四

漕運 鹽課 關榷

山陽縣志

卷一 目錄

卷五

職官一

卷六

職官二

卷七

民賦 里圖 戶口 條鞭 田賦 雜辦 雜稅 附
解撥 籌賑 屯衛 人丁 田賦 附

卷八

學校 學宮 學額 學田 禮樂器 武院 書院
義學

卷九

選舉

卷十

軍政

卷十一

人物一

卷十二

八物二

卷十三

八物三

卷十四

人物四

山陽縣志

卷一 目錄

卷十五

人物五 流寓 忠義

卷十六

列女一

卷十七

列女二

卷十八

藝文

卷十九

古蹟 古井 邱墓

卷二十

雜記一 兵戎 祥辰

卷二十一

雜記二

山陽縣志

卷一

目錄

三

舊山陽縣志纂修姓氏

原編

檢

總裁

檢

檢

分纂

丙

丙

舉

山陽縣志

卷 原編姓氏

巖

巖

原

討張鴻烈山陽

討丁一燾中湘

討周龍官山陽

醉周振采山陽

醉任瑗山陽

人王紹裘山陽

一

貢吳干山陽

貢汪枚山陽

生張釗山陽

docsriver 文川网
入驻商家 古籍书城

在文川网搜索古籍书城 获取更多电子书

重修山陽縣志鑒定纂修姓名

鑒定

廣東巡撫前河漕總督張兆棟

前河漕總督蘇鳳文

江蘇巡撫前河漕總督張樹聲

河漕總督文彬

分巡淮陽河漕鹽驛兵備道劉咸

監修

淮安府知府存葆

山陽縣知縣孫雲

山陽縣志

卷一 重修姓名

一

提調

候補知府前監掣同知范志熙武陽縣人

直隸州知州用候補知縣許佐廷歙縣人

駐局委員

同知銜府經歷王用楨

總纂

三品銜前翰林院編修何紹基州人

二品封前內閣中書丁晏邑人

分纂

刑部河南司員外郎吳昆田清河人

知州銜監生高延第邑人

候選郎中丁壽恒邑人

學正銜試用教諭拔貢王琛清河人

員外郎銜工部主事楊鼎來邑人

侍讀銜內閣中書何其傑邑人

學正銜增貢生魯賁邑人

五品銜候選教諭王賓邑人

總校

同知銜太挑教諭丁顯邑人

侍讀銜候選內閣中書韋福年邑人

山陽縣志

卷一 重修姓名

二

分校

拔廩貢何其濬邑人

拔廩貢丁壽炳邑人

增貢丁延福邑人

增生邵恩壽邑人

收掌書籍

生員黃錫紱邑人

參訂

按察使銜前雲南迤西道丁壽祺邑人

同知銜候選知縣丁禧生邑人

參校

試

運

候

試

用

同

選

用

教

訓

訓

訓

諭丁一鵬

銜李元庚

導曹 桀

導徐寶書

葉 珂

韋 鑑

邵 敏

曹 煜

程席齡

丁 芃

閻士榮

人吉 元

貢程 擢

山陽縣志

卷


重修姓名




三



采訪
舉
拔

繪圖 從九品陶德清


監刻提舉銜候選通判邊汝爲









50007



山陽縣志
淮安考棚圖



六






漕運總督署圖

山陽縣志



七







44-39

山陽縣志
麗正書院圖

圖



十





山陽縣志
奎文書院圖

圖

十一





山陽縣志卷一

疆域 沿革 四至 分星 高度 風俗 物產

山陽縣屬淮安府附郭在京師南少東一千九百七十

五里通志江寧布政司治北五百里在昔禹貢揚州之域也

春秋末屬吳左傳哀公九年吳城邗溝通江海杜注於邗江築城穿溝東北通射陽湖西北自末口入

吳滅屬越戰國時楚強大東侵泗上諸侯而地入於楚

秦并天下始建有淮陰縣漢武帝元狩六年寅射陽縣與

淮陰並屬臨淮郡水經注自廣陵出白馬湖經山陽城西射陽縣之故城山陽志遠按山陽城西

東西字疑東漢臨淮并東海旋改下邳以淮陰屬焉而射

陽別屬廣陵郡按王莽改射陽曰監淮亭淮陰曰嘉信閭位紛更今不取也魏廢射陽

山陽縣志

卷一

疆域

一

晉武帝初更立仍與淮陰俱屬臨淮郡見宋書州郡志太康三年

移廣陵郡治淮陰已又治射陽大要自漢以來射陽實直

今縣境東南兼有寶應之半淮陰偪處縣西北境為今清

河南鄉地其疆域時廣時狹犬牙錯雜或有出入靡得而

詳也安帝義熙初分南兖州之廣陵界寅山陽郡見晉書地理志

又地理志徐州部內載義熙七年分廣陵界寅海陵山陽

等十郡封為宋公則山立於射陽縣境立山陽縣與郡俱

立州郡志見宋書於是山陽郡縣之名始見當是時南朔剖割淮

陰屹為重鎮山陽迫東鄙為兵興所必爭以故青兖二州

或時治山陽然亦無幾輒去云見南齊書州郡志又載義熙二年諸葛長民為青州

徙山陽時鮮卑接境長民表云此蕃十載疊故相襄城池

諸發荒舊歲伏邊置請戍不聞鷄犬且犬羊侵暴抄掠城

甚乃還京口云宋泰始二年盡失淮北地州郡多所倚寄

齊武帝永明七年從光祿大夫呂安國之請於盱眙山陽

二界閒立東平郡於淮陰領壽張淮安二縣壽張割山陽

官瀆以西三百戶寅淮安割直瀆破釜以東淮陰鎮下流

雜一百戶寅於是山陽始與淮陰劃壤而居南齊書州郡志宋泰始三

年失淮北乃於淮陰立兖州鎮七年謂之北兖州齊建元

四年兖州鎮移去初兖州北對清泗臨淮守險田稻豐饒

所領惟平陽僑郡永明七年光祿大夫呂安國啟稱北兖

州民戴尚伯等誦舊壤幽隔高失所今雖稱寅淮陰而

平陽一郡州無實土寄山陽境內竊見可徐清三州悉皆

新立並有實郡東平既非望衣冠所係希於山陽盱眙

二界閒割小戶寅此郡使本壤族姓有所歸依臣尋東平

郡既在此州本領臣賤族系梓願立此邦見許領郡如左

山陽縣志

卷一

疆域

二

云宋齊皆以山陽郡屬南兖州南齊書州郡志梁始改屬

淮州見魏書地形志太清初侯景作亂淮南地入東魏魏仍

以山陽屬淮州未幾沒於高齊陳大建五年吳明徹伐齊

八月乙未山陽城降一年之內盡復舊境會齊為周所滅

宣帝復命北伐十年明徹兵敗被執所得郡縣相繼淪陷

至十一年而淮南之地盡沒於周矣按山陽自晉義熙以

之或易而舊志載北齊以山陽縣併魯富陵立懷思縣為

淮州治云云考北齊無志惟隋書地理志有後魏淮陰郡

東魏改為淮州後齊併魯富陵立懷思縣此自言隋開皇

淮陰耳無併山陽之文不知舊志何所據而云然隋開皇

初山陽郡廢十二年寅楚州大業初州廢則以山陽縣屬

江都郡隋書地理志唐武德中臧君相據縣境稱東楚州君相

歸附八年更名楚州天寶元年改為淮陰郡乾元元年復為楚州皆以山陽縣為治所參用新舊唐書地理志唐季天下攪亂

楊行密盜有淮南地及景福元年而楚州入吳李昇代吳

因而有之而後唐天成三年升州為順化軍見太平寰宇記元豐九域

志同五代會要作中正軍遙領虛號實不有其地周顯德五年伐南唐

盡取淮南而楚州入周城西舊有老鵝河卽世宗自北神

堰鑿以通戰艦者也見方輿覽勝及通鑑地理通釋宋仍周舊以山陽縣

屬楚州建炎開縣沒於金紹興元年復之紹定元年升縣

為淮安軍尋改軍為州宋史地理志而是時金正大三三年正當宋紹

定元年楚州王義深等以城降金金改為平淮府金哀宗本紀金

山陽縣志 卷一 疆域 三

亦不競卒不能守地復為宋輾轉往復以入於元元興於

州立總管府領山陽鹽城淮安淮陰按是時淮陰清河並建地極狹小不如漢

淮陰之舊新城清河桃園七縣設錄事司尋升為淮安府路元史地理志

先是隋大業初省淮陰并入山陽唐武德中淮陰復

省然皆不久輒復真至元二十年卒并淮安淮陰新城三

縣入山陽於是山陽卒兼有淮陰數縣之地幅員廣遠矣

至正開縣設於張士誠明初立淮安府而以山陽縣附府

郭屬江南承宣布政使司時山陽縣北濱淮西及高家堰

東南跨射陽湖東北有馬邏鄉廟灣鎮羊寨鄉三巡檢地

地略如元之舊縣最大 國初因明制縣屬江寧布政使

司雍正十年以廟灣鎮為阜寧縣治並割馬邏羊寨子之

於是縣東北境入阜寧乾隆二十七年清河縣城穀以山

陽之清江浦為清河縣治並割近浦十餘鄉子之於是縣

西境入清河始建縣到今裒益合離遷徙靡定定為乾隆

二十七年縣境迄今不改縣治西至清河圓通庵界二十

七里又西至清河縣治三里西南至盱眙周橋界百二十

里又西南至盱眙縣治六十里南至寶應黃浦闡界六十

里又南至寶應縣治二十里東南至鹽城金吾莊界八十

里又東南至鹽城縣治百四十里東至鹽城馬家蕩界五

十里東北至阜寧蘇家策界七十里又東至阜寧縣治九

山陽縣志 卷一 疆域 四

十里北至安東縣治六十里西北至清河朱家溝界三十

里盡境東西廣百有七里南北袤百八十里以分野測之

當星紀之次斗牛之分也 京師北極出地高三十九度

五十五分山陽北極出地高三十三度三十分較 京師

差六度二十五分夏至 京師日出寅正二刻五分日入

戌初一刻十分山陽日出寅正三刻十二分日入戌初初

刻三分計山陽日出後 京師一刻七分日入先 京師

一刻七分冬至 京師日出辰初一刻十分日入申正二

刻五分山陽日出辰初初刻三分日入申正三刻十二分

計山陽日出先 京師一刻七分日入後 京師一刻七

分以上分星高度見吳王梅里差考此其大率也境內平行沃饒無山而

多水後倚淮流石帶清泗昔楊行密據淮南常倚以為清

口門戶宋室南遷韓世忠駐兵三萬淮東得以少安元末

喪亂戶口衰耗自明以來數百年甚寓安謐兵革不興始

無復曩時之多事矣舊時漕舟抵境率陸運過壩踰淮達

清勞費甚鉅明永樂十三年陳瑄始自城西管家湖鑿渠

二十里導湖入淮由是漕舟直達於河南北經行遂為孔

道東南匯巨浸沮洳彌望有荏葦芟蒲之屬居民伐葦取

魚待日而飽或編葦作箔織蘆為藩以食其業其城北接

壤安東地地高亢有鹵磽而城西北關廂之盛獨為一邑

山陽縣志 卷一 疆域 五

寇始明季迨乎 國朝綱鹽集頓商販閭閻關吏頤指咄

嗚叱咤春夏之交糧艘牽輓回空載重百貨山列市宅競

雕畫被服窮織綺歌伶嬉優靡管沸且居民從而效之甚

有破貫業以供一日之費豈非澆漓之漸不學而然者

哉舊志曰士風在昔重禮教崇信義衣冠禮樂之美甲於

東南其顛隄務農桑習醇謹張士誠之亂城郭邱墟明初

招徠墾闢五方雜處初時土著之戶蕩析罕有存者至於

家各殊尙戶各殊禮積習薰染騫陵日甚而其賢者乃能

節制謹度恂恂退讓反樸有冀焉以上舊志然風俗與世移易

自票運經西壩而綱鹽廢河決銅瓦廂而漕運停居民端

一弦誦佃作無他冀倖開藝園圃課紡績貧者或肩備自

給曾不數十年堅貧守約耳目易觀昔之清鹽雜運浩穰

百端則相與忘之稔矣咸豐庚申之歲豫逆東竄北郭外

燬於火高粱大棟鬱為戰場迺益編苜蓿立圍若刀弓結

束布衣帛冠一洗綺靡之舊其士人修尙學業向以結納

長官為非至團練之役與官民相習伍冠蓋而走胥吏勢

則然矣豈必無因緣藏歲要以斤斤不遠繩墨云禮俗大

都與揚徐無殊異昏不親迎用門戶相重少習禮者不責

取財物然亦不苟為簡悛貧家下戶草草任情者有之喪

禮斂用時服焚用楮帛陰陽鼓吹習遵故常惟一特立

山陽縣志 卷一 疆域 六

之士守古變俗終已不能相勝三日而祖餞芻靈與馬暮

夜燈火過市塵焚拜七七之期浮屠追薦葬不以時日願

頗好形家言覘土面勢弔賻者至治酒供具豐腆有加祭

禮不立家廟以時節祭於寢或有立宗祠乃先日戒備牲

醴潔羞惟謹略準古制焉舊謂淮人冠服樸素非仕宦不

衣緇帛饌飲極約儉而後來狃於習尙爭為侈靡舊志近兵

燹殘破稍稍復古矣然輕紈綺縠豐狐大貂婦女錦繡飾

緣值過衣材資朋高燕鮭珍奇腴一飯之費至兼金以上

則猶未盡革也豈果積習之難同乎農田之利十一二躬

親他多責租於佃富家子弟不履原隰倚人以辦至有受

狙詐蕩生產而不知者工技古有鑿金器皿為世所重

濂燕陽清賞云淮安鑄法古鑿金器皿有小鼎鑄香鴨等

物做舊頗工人不易識摩弄之功亦非時日計也外此有

大香貌香鶴銅人燭臺香毬酒壺百斤獸近惟攻弓

矢攻韋者良商販民憚遠涉稻菽園蔬水鮮越境而止近

權稅益嚴十里之外民跬步無敢動冀益以困商而反本

然商民率收其值於農農卒以重困歲時上元燈火清明

日上冢墓五月五日菖蒲艾酒婦女簪彩勝小兒佩五毒

百索中秋設瓜果及中元節十月朔日冬至日祀其先皆

恆俗也物產五穀則東南鄉宜秈稻西北鄉宜麥菽黍稷

麻穠閒亦有之非特產也蔓有野芋長生蔬有菌菰蕨莧

山陽縣志 卷一 疆域 七

蔓蒿菘茄韭菱芹芥瓜瓠而西瓜利良溥果有桃杏銀杏

胡桃菱芡蓮藕尤美絲絮之屬有麻有棉近歲棉益廣民

取以織布從知縣事姚德彰之教也前邑令金秉祥郡守

以植桑麻習紡織為務並為之募師製具設立程度以誘

導之而民莫不應者志備載其說以著賢者殷殷為民之意

且為淮民之皆靡者焉今按種植諸法南北易宜且有

成書不必載載其紡織程度可與見行之法相參者以資

採擇金令秉祥紡織議曰乾隆七年冬奉調山邑每因公

放賑還歷節屋從未見一機具聽一織聲始知紡織一事

竟未講求即補縫所資亦必至臨用時婦女始以手撚綫

準其所用而止女紅盡廢駭成風欲如他處之把布易

粟絕響無聞夫民開財源所出惟仗布粟今淮民已缺其

一安得不貧且困邪樹桑畜蠶尚為棉織之溫若紡紗織

布尤日用所急需者廣杏博采知淮地半係游沙宜種木

棉但民情未見種棉之利一旦令其種植未免觀望不前

必先教以紡織使知有利可趨則趨之惟恐不速學之惟

恐不動其所有應行事宜一請教師查紡紗織布大江以

南惟松太二處東鄉一帶居民請求至精獲利甚豐藉諸

志乘松太之紡織始於黃姑至今民猶廟食請於彼處選

募請練者二十名到淮悉心教授其辛力飯食每名應給

銀二十兩一請採買教民紡織必需器具一切紡車鐵梭

木梳彈弓彈錠厚車軋車竹柵桿板布機大小厚筒並隨

樓需用到刀壓尺竹叉縱扣梭子之類應就近於松太二

府州各隨教師平日所用酌量買以便照式製造並預

買淨花子花各三十石運淮備用所需銀兩請於縣庫公

項內劃出銀一千兩另撥貯用一請設局淮郡城鄉遠隔

地傳知就近居民有願學者入局習學技精之後可以自

行紡織聽其出局其入局出局姓名月日鄉地立簿登記

報縣查考一切器具止許照式製造不許攜局一請收買

淮安向不紡織今既教民習學恐織出布疋驟難銷售其

氣一阻其志漸弛官應權衡子母量加利息見給銀錢收

買則小民既學技藝以資生又獲利以彌口需環轉輸有

不備謹從事者乎收買布疋即名准布交與市肆照時發

賣按數繳價歸庫所獲利息可抵教師辛力之用試行年

餘民皆習熟即可聽其自便官帑收歸原款以上四條行

之有效則男女各事其事且民間既勤紡織則種棉一節

山陽縣志 卷一 疆域 八

又可因勢而 木則有松柏椿榆槐柏梧桐桑柘藥物有山

刺導之矣 黍產於府學者為上薄荷首烏枳實括蕪延蔓於野蕃而

不長卉有芍藥芙蓉紫薇陵霄近尤尙四季花城內人多

詩之禽獸則六畜富擾農業戶豢牛若豕以其糞溉田亦

有狸兔獾狢鴛雁雉鶉之儔楸布四野鱗族滋生鯽鯉鱸

鰱蝦蚌蛤號腴品為自舊志不修百二十年於茲矣綜

覽前後得失之數地不加廣而蕪蕪多齒不加聚而生計

誠俗不加滴物產不加耗而置壤蕭條百度廢弛固十載

兵荒之所致然家鮮蓋藏田多閒曠人事亦有責焉然則

如之何而可日重禮教務農桑舊志固嘗言之矣蓋重禮

docsriver 文川网
入驻商家 古籍书城

在文川网搜索古籍书城 获取更多电子书

教則不期儉而自儉務農桑則不期裕而自裕其流風播於上而沈疴起於下所由來久非一朝夕之故也今故總次其事冀有有心之人起而觀之者

山陽縣志

卷一

疆域

九

山陽縣志卷二

建寅

城池 圍岩附 公署 倉廩 壇廟 寺觀附 驛遞 街市 坊鎮 橋渡 曠堰 普濟育 嬰各堂 藥局 坊表

邑當南北之交天下有事常為兵衝變故屢經興廢隨之南宋汧元兵戈疊擾公私塗炭舊蹟靡聞洎明以來設立鎮守總漕其下百司林立規制始備民物浩穰復修新聯二城以居之故舊志建寅所紀多託始於明代汧今數百年變實不一大抵襲明之舊今依原書芟其繁蕪而續記增修歲月於其下昔有而今廢者分綴各條之後以存舊制益以城外圍若以重保障增入藥局慈幼各堂以彰惠利其寺觀一日原編古蹟中者取寅壇廟之末使以類附焉夫堂上不薰郊草不芸故昔之觀政者往往畱意於橋梁廡舍之閒此而不泊而能為民扞大災興大利者無有也詳覽斯編庶幾知所從事云

城池

舊城周十一里東西徑五百二十五丈南北亦如之高三十尺為門五東曰觀風南曰迎遠西曰望雲北曰朝宗

署也今東曰瞻岱南曰迎 西門稍北舊有門曰清風元兵

燕西口慶成北日承恩

渡淮時守臣孫虎臣塞之四門皆有子城城上大樓四座

角樓三座窩鋪五十三座雉堞二千九百六十垛水門三

山陽縣志

卷二

建寅

當秦漢時本無城郭東晉安帝義熙中始立山陽郡於此地築城金石錄有唐上元二年修楚州城記文苑英華有唐大中十四年御史中丞李荀修楚州城南門記皆今日舊城也南宋郡守吳曉欲徹城移他所通判李大性止之孝宗時守臣陳敏重加修葺雉堞堅新嘉定初復圯知楚州趙仲葺之九年知楚州應純之竄塞窪坎浚池洩水城益完固元至正開江淮兵亂守臣因土城之舊稍加補築明初增修包以甃甍周寘樓櫓始成今制正德十三年漕撫叢蘭檄知府薛登重修嘉靖開知府劉崇文再修隆慶開漕撫王宗沐建樓於西門子城上額曰舉遠萬歷三十

山陽縣志 卷二 建真

三年倭亂盪海戒嚴署府事推官曹于沐添設敵臺四座三十八年西門城樓災知府姚鉉重建四十八年南門燬於雷火知府宋統殷重建崇禎開漕撫朱大典遍修三城後城樓又圯 國朝康熙初漕督林起龍徹而新之城垣殘缺者補治之二十三年漕督邵甘重建西門樓二十八年漕督董訥重建南門樓後屢修葺年久塌卸乾隆元年督撫題准發銀四千餘兩飭知縣沈光增承修九年知縣金秉祚於各門添建兵堡營房嘉慶二年復經修補道光五年漕督周天爵捐貲建西南二城樓二十二年復集資大修新建礮臺二重建過街樓四又壙造北城圍及東

北二城樓咸豐同治中開加修補又於東城建敵樓一及四城踐更窩鋪今圯同治十二年漕督文公彬重建城西門樓

新城在舊城北里許周七里零二十丈高二丈八尺東西經三百二十六丈南北三百三十四丈為門五東曰望洋西曰覽運南曰迎薰北曰拱極門各有樓小北門曰戴辰東西有子城角樓四南北水門二窩鋪四十八座雉堞千二百垛按新城即古北辰鎮地西瞰運河東南控馬家灣北俯長淮元末張士誠將史文炳守淮安始築土城明洪武十年指揮時禹取寶應廢城磚石築之永樂二十一年

山陽縣志 卷二 建真

用工部言土城低薄令軍士增築門上建樓正德二年總兵郭鉉重建隆慶五年知府陳文燭重修萬歷二十三年倭警署府事推官曹于沐添設敵臺四座 國朝乾隆十一年督撫題准發帑銀二萬五千七百餘兩飭知縣金秉祚承修裏牆截土加甃寬厚在明季城內居民尚有萬家 國朝乾隆開猶稱蕃盛後漸寥落樓堞街市圯廢略盡咸豐十年後皖寇屢擾鄉民頗屯聚其中並得安全苟有大力者修而築之亦舊城輔車之助也 聯城在舊新二城之間 俗曰東長二百五十六丈三尺起舊城東北隅接新城東南隅西長二百二十五丈五尺起